

Samo što je pušten iz pritvora maloljetni Rom počinio novo krivično djelo

Robert Hrustić napao i pokušao opljačkati Sarajku

T. R. s vrata strgnuo lančić • Policiji rekao da je to uradio kako bi nahranio svoju porodicu • Hrustić nedavno pušten iz pritvora gdje je bio zajedno sa Osmanijem i Mučištom jer su spalili staricu Ljubicu Đokić-Spasojević • Inače, trojica maloljetnika se terete da su zajedno počinili oko 200 krivičnih djela

Sarajevski policajci uhapsili su 15-godišnjeg Roberta Hrustića, rođenog u Milanu, nastanjenog u Sarajevu, zbog sumnje da je počinio tešku krađu.

Općinski sud u Sarajevu mu je, zbog opasnosti da će počiniti novo djelo, odredio jednomjesečni pritvor.

Naime, Hrustić je 13. maja ove godine u sarajevskom naselju Alipašino Polje presreo T.R. iz Sarajeva, te joj s ramena pokušao strgnuti tašnu. Kako u tome nije uspio, sa vrata uplašene žene je skinuo lančić, a zatim je pobjegao s mjesta događaja. Iako uplašena, žena je otišla do prve policijske stanice i prijavila mladića.

Nezvanično saznajemo da je Hrustić tokom saslušanja priznao djelo te da

Pokrenuta istraga protiv Hrustića

U Općinskom sudu u Sarajevu jučer nam je potvrđeno da je protiv maloljetnog Roberta Hrustića pokrenuta istraga, te da će protiv njega naknadno biti vođen pripremni postupak. Nakon okončanja tog postupka, tužitelj i sudija za maloljetnike će donijeti konačnu odluku.



San, 16.05.2008 god.

Sarajevo: Građani zabrinuti za svoju sigurnost

je to uradio kako bi od prodaje lančića nahranio svoju porodicu.

Inače, Hrustić je od ranije poznat sarajevskoj policiji. Naime, on je zajedno sa 15-godišnjim Robertom Mučištom iz Đakovice i 16-godišnjim Jetonom Osmanijem iz Peći, osumnjičen da je zapalio Ljubicu Đokić-Spasojević. Oni se sumnjiče da su 20. januara ove godine sačekali staricu ispred ulaza u Ulici Azize Šaćirbegović broj 124. Potom su je posuli benzinom, usljed čega je buknula vatra koja joj je zahvatila glavu i gornje dijelove tijela nani-

jevši starici teške tjelesne povrede. Spasojevićeva je od zadobijenih povreda nakon sedam dana preminula u sarajevskoj bolnici Koševo. Osumnjičena trojka je odlukom Općinskog suda u Sarajevu, prije nekoliko dana izašla iz pritvora, a isti sud im je izrekao odgojne mjere odnosno pojačan nadzor nadležnog organa socijalne zaštite. Inače, kako je "San" piznao Hrustić, Mučišt i Osmani se terete da su zajedno počinili preko 200 krivičnih djela.

A. Brkić